


www.BibleForChildren.org


Stat 1



Nemetva seilva owai, mani
mani lohvnamoā, wo
Sesoava sism vena
ovm petham
manam
manam.



Pethava seilva
beswonamba lohvnamoā,
osva memba daipotava
lohvpa. Owai, nis lohvna,
mendah andrava
eunumbulva lohvna.
Pomba vavawonam
livna pethasrava.
Okombava owai, wo
upsilva lohvnamoā,
singas kilvralohvna, wo
Sesoasongolva posra
sena lohmana vevna.




Doa Sesoava ona, upsil lovhoara, wo noinda upsilva
wohlovhoana. Upsilmba himba ona, okomba, wo simba
himba ona, sia. Doa simba kilvranamba, lingil
lihanamba, wo os doa simba mongasal vena.



Doa Sesoava henga ona, doa pomba pethara
vavawonam liv, doa pooa mongo sena lira, wo ambsa
hovra lohra. os nengthai, ov. Doa sia kilvranamba, lingil
lihanamba, wo os simba sambla doa vewolna.



Doa Sesoava henga ona, pomba pethara vavawonam
liv, doa hivraprara, hovrangas lira, pethaoa
mongnahalmoa wohhivhoara. Doa noinda pomba os
wohlina, wo Sesoava ona, doa pethava hivhoai, pomba
mongnahalva doa hivrangai, wo noinda himba osva
sevrana, wanplomb. Sesoava ona nonglana,
besal lehra.



Doa Sesoava henga ona, mani mani vlelva phora
pethara. Nelus phora, hlalm, ti phora movolnahonam.

Doa sia kilvranamba, lingil lihanamba,
wo os simba samblamong
doa penngiliha vungana.



Wo osoa Sesoa vewolna upsilmba mendeklimba
sambla. Mendekliva okomba, eusilva
weis. Mendekliva okombahul
lohv, wo eusilva sinim lohv. Doa
hengava Sesoava paim mindnam
vewol vena. Doa sia kilvranamba,
lingil lihanamba, wo os simba
samblasambla doa
penngiliha vungana.



Doa henga Sesoava ona,
wanplombra lohra mani mani,
snavovna snavovna lohra
mindkombaiwonam. Tuawaoa
mindnam ovra
senamonam ahallohvra.
Doa sia kilvranamba, lingil
lihanamba, wo os simba
5pelara doa
penngiliha vungana.




Doa henga Sesoa ona, tata mani mani phongavra hona
pethara, deuvrini, sungeitrini, eusil noi mani mani, eva
mendekli noi mani mani.



Doa henga Sesoava ona, indhanam pioa vewol
velvohra, wo himba si os undna avav, men piv avm.
Hev si kuwulva wulvahunvav tambkona, tuawana, wo
eva tatana. wo hev momo vena, indk vethavna,
lehrangas kava vena ovrava,
petharava, wandava, porava,
sungeitrava, deuvrava,
beswonamangas kava
vena. Doa sia kilvranamba,
lingil lihanamba, wo os
simba 6pelara doa
penngiliha vungana.



Doa Yaweva no tendorinim desvhoana Itenda, omnana,
denwitmusra hui ao, wo beswonam lengwol vawovm,
kekalvho vewol vevm.




Honaoa inneoa yeoa
nevm, timov mani mani
hona denwitrinioa. Heva
os yimba manam nevav
nomba timovpa, kava os
ona, yimba netava,
yimba pev si wohlihavav,
memba mona besal, wo
temba monakokla. Yemba
kava ovomnav no timovpa,
wo yimba netava, nonamba
lohvav yenamba dahalmba.



Vevna, deuvrinim awowol vena, sungeitrimim
awowol vena, tuawam awowol vena. Heva os
tendoriniva hevna sehelmba nonglanamoa,
hev ahamana evelm.



Doa Yaweve tendorinim ninmind vrena, himba ninpolva livnamba, doa Sesoa almangkel tendorinina velavra, henga ehlathamnana nihilmba, doa ungevlirininim vena no tendorinina almangalnamba, tendorini indamba wainga.



Doa nom lihvriv, tendoriniva aralavalmba
pewolehawol veiva, wo ongali
enewolkohowolvav, wo os hembra
nihawolvav mongawa nihnamba.



Manara, Sesoava mindnam und
vewol vena indhanam hona
pethanindm, wo noinda hevna
mongal ombolm wolaihaprana hom.



Wo himba nomba ombolmba
keknamba undnahonamba
lovahthamnavrava, himba si
sewonamba owolakovvavmoa,
heva os wohavav yunalm.



Rom 3:23 Manara, doa indkumbiva wohpelpangana doara
hevna indkoklara, wo owai, eva snal vilovav,
Sesoana kembellamba almba.

Rom 6:23 Nonamba mongova indkoklava vevrava, himba
nendkond vrev, nom ten indkokla wulprovm, daham. Wo
heva os owai, Sesoava daswolv pimba ambo nis und, noi
yunalm alm Kristus Yesus pivna mendeklinamera.

Hipru 9:27 Indhanamba indakonda dalv. Simba osva
indhanarinimba dahavrava, hembra nomba
wetatmora lesvhueivra.

Evesus 2:8,9 Kava nengv, os Sesoava doa yemba wavra
vovhueinnamba, lopshana, noinda yimba keknam
undnahonam avna. Yimba vivnamoa, pevmba lopshalmba.
Memba ambo nis Sesoava yemba lopshana.



Wo noinda manam yimba pevmba wivewol vivav, osva kava lehra hona andrarava, kamba lopshavra.

Rom 10:9,10 Noinda yimba pevna moanamba osva ollava, Yesusva mendekli, wo yimba pevna indnamba keknamba lohvrava, osva Sesoa hembra wolaihaphona pokamariniva, wo si Sesoava yemba osva lopshavav. Manara, pimba keknam av pivna undnahonam, wo noinda Sesoava pimba nengsmoa ov, indhana windel maimba. Wo pivva pivna moana eishov, osva kava keknam undnahonam av, wo noinda Sesoava pimba lopshav.

Yon 3:16,17 Manara, Sesoava mindnam und vewol vena indhanam hona pethanindm, wo noinda hevna mongal ombolm wolaihaprana hom. Wo himba nomba ombolmba keknamba undnahonamba lovahthamnavrava, himba si sewonamba owolakovvavmoa, heva os wohavav yunalm.



Sesoava wolaihapranamoa hevna ombolmba petharamba,
lesvhoawol velmba pethanindmba, heva lopshalm
pethanindm hevnanam.

1 Yon 5:11-13 Honi memba Seso pim moakus unnam,
Sesoava pimba daswolna, undva alm yunalm nonam, wo
hona undva kleihalohv di hevna ombolinda. Himba nomba
Sesoana ombolindava nihrava pepavevrava, himba nomba
wohavav yunalm. Himba nomba temba ombolindava
nihrava pepavemba owai vetava, himba nomba owai,
avavmoa yunalmba. Kava novol vipiprinv honamba
tombaiva yem, henom ten he keknam amnavm Sesoana
ombolm. Kava novol vev, osm yimba si wiyera avra, osva
kava doa daipotava av, no undna, yunalm alm.



Stat 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Waris Bible (wrs) © 2003, Wycliffe Bible Translators, Inc. All
rights reserved.

<https://live.bible.is/bible/WRSPNG/GEN/1>

©2026 Bible for Children, Inc.

www.M1914.org

www.bibleforchildren.org

